



**CENTER FOR SUSTAINABLE DEVELOPMENT**

**CENTAR ZA ODRŽIVI RAZVOJ**

***GODIŠNJI IZVJEŠTAJ***  
***JANUAR 1 – DECEMBAR 31, 2015***

**Naša Misija :**

*Održivi razvoj kao osnova razvoja društva, javnog  
i privatnog sektora*

---

---

Dragi članovi Skupštine, partneri i prijatelji Centra za održivi razvoj, ,

Zadovoljstvo mi je da Vam predstavim Godišnji izvještaj Centra za održivi razvoj za 2015. godinu.

U 2015. godini smo implementirali tri projekta međunarodnih donatora, ojačali našu poziciju u javnosti, kod građana i partnera, pripremili i objavili četiri publikacije, te kao naš glavni cilj za prošlu godinu uspješno dovršili započetu reorganizaciju i refokusiranje same organizacije.

U skladu sa našim planom da se u narednim godinama snažno profiliramo kao ekspertska organizacija koja daje veliki doprinos implementaciji koncepta održivog razvoja u BiH, u 2015. godini smo izvršili reorganizaciju i obavili pripremu za 2016 godinu koja bi trebalo da bude prva godina implementacije naše nove strategije fokusa na zelena pitanja i edukaciju i vještine potrebne za 21. stoljeće. Taj naš napor u 2015 godini je uspješno ostvaren dodatnim angažmanom svih u organizaciji, u velikoj mjeri i na volonterskoj osnovi.

U Godišnjem izvještaju možete pronaći kratke crte o svakoj od naših aktivnosti u 2015.godini.

Rad Centra za održivi razvoj ostaje otvoren i transparentan za širu javnost i ujedno Vas pozivamo da nas pratite na našoj web stranici [www.cor.ba](http://www.cor.ba) kao i na našoj Facebook stranici <https://www.facebook.com/pages/Centar-za-odr%C5%BEivi-razvoj/127176427356171?fref=ts>

S poštovanjem,

*Edin Mujčić*

*Izvršni direktor*

## O nama

Centar za održivi razvoj, sa sjedištem u Brčko distriktu BiH, je profesionalna organizacija utemeljena na znanju, a fokusirana na održivi razvoj BiH. COR je ekspertska organizacija visokoobrazovanih kadrova, ali istovremeno i organizacija čvrsto povezana sa građanima. Mi promoviramo partnerstvo između privatnog, javnog sektora i civilnog društva u cilju održivog razvoja zajednice, pri tome se zalažući za edukaciju i investiranje u oblasti ekonomije, zaštite životne sredine i unapređenja lokalnih zajednica.

Aktivnosti koje Centar za održivi razvoj sprovodi kako bi ostvarili ciljeve organizacije su sljedeće:

- Savjetovanište za građane po pitanju energetske efikasnosti i uštedama energije, uporabi obnovljivih izvora energije, te pokretanja zelenog biznisa
- Intenzivna edukacija mladih po pitanju ekološki prihvatljivih aktivnosti (zeleni biznis, ekologija, energetska efikasnost, obnovljivi izvori energije, eko turizam i organska poljoprivreda)
- Ekološke edukacije građana kroz seminare, tribine, organizovanjem ekoloških manifestacija, kampanja za zaštitu prirode

- Redovno organizovanje različitih akcija čišćenja i sabiranja sekundarnih sirovina
  - Radionice o podizanju ekološke svijesti
  - Zalaganje i podrška u animiranju građana da učestvuju u održivom razvoju BiH
  - Pomoć u promociji i implementaciji ekoloških standarda i projekata iz oblasti održivog razvoja
  - Pomoć u izradi studija i analiza iz oblasti održivog razvoja
  - Poticanje regionalne i međunarodne razmjene iskustava iz oblasti održivog razvoja
  - Zalaganje za unapređenje ruralnog razvoja
  - Podrška unapređenju konkurentnosti BiH i njene privrede na principima održivog razvoja
  - Poticanje razvoja turističke ponude u BiH
  - Zalaganje i podrška u animiranju građana u procesu pripreme budžeta
  - Monitoring efikasnog korištenja javnih sredstava.
  - Monitoring i evaluacija vladinih dostignuća na polju zaštite okoliša
- te mnoge druge i slične aktivnosti.

# Aktivnosti Centra u 2015. godini

## MOJAOKOLINA.BA

Centar za održivi razvoj je i u 2015.godini radio na promotivnim i edukativnim aktivnostima na području zaštite životne sredine.

Osnovu tog promotivnog i edukativnog rada predstavlja naš portal **MOJAOKOLINA.BA**, prvi i jedini portal za objavljivanje i razmjenu informacija na temu zaštite životne sredine u BiH.

Cilj nam je promocija, bolja organizacija, umrežavanje i interakcija između nevladinih organizacija, relevantnih institucija i ministarstava u ovom sektoru, lokalnih zajednica, i naravno medija, stručnjaka iz oblasti i predstavnika biznisa, da bismo doprinijeli razvoju aktivnijeg i uticajnijeg civilnog društva u kreiranju i sprovođenju politika zaštite životne sredine.

Portal **MOJAOKOLINA.BA** kreiran je u vidu slobodne komunikacijske platforme gdje možete uspostaviti različite vrste interakcija. Korisnici portala su organizacije, kompanije, obrazovne institucije i pojedinci koji su na bilo koji način povezani sa energetsom efikasnošću, očuvanjem i zaštitom okoline i obnovljivim izvorima energije.

Krajem 2015 godine izvršen je redizajn stranice i uspostavljena je FB stranica portala.



## “OKOLIŠNA AGENDA 2015-2018”

Imajući u vidu značaj i ulogu političkih stranaka u oblasti zaštite životne sredine, Centar za održivi razvoj je implementirao projekat “Okolišna agenda 2015-2018” koji za cilj ima doprinos stavljanju okolišnih pitanja visoko na političku agendu svih nivoa vlasti u BiH u periodu 2015-2018.

U tom cilju izrađen je „Pregled stavova političkih stranaka o zaštiti okoliša –

B | T | D The Balkan Trust for Democracy  
A PROJECT OF THE GERMAN MARSHALL FUND

CENTER FOR SUSTAINABLE DEVELOPMENT  
CENTAR ZA ODRŽIVI RAZVOJ



Izbori 2014“ kojim želimo upoznati javnost u BiH o predizbornim stavovima o zaštiti okoliša političkih stranaka i koalicija koje su se natjecali

za Parlament BiH i entitetske parlamente.

U sklopu “Okolišna agenda 2015-2018” održali smo i seriju okruglih stolova sa predstavnicima civilnog društva u Brčkom, Tuzli, Banja Luci, Mostaru, Zenici i Sarajevu kako bi se prezentirali i prodiskutovali rezultati ankete o prioritetima civilnog društva u oblasti zaštite okoliša, te pronašli adekvatni načini stavljanja okolišnih pitanja na agendu političkih stranaka i buduće vlasti na svim razinama u BiH.

Dokument je javnosti dostupan na web stranici Centra za održivi razvoj – [http://www.cor.ba/publikacije/brosure/Izb\\_ori\\_2014\\_pregled\\_stavova\\_politickih\\_stranaka.pdf](http://www.cor.ba/publikacije/brosure/Izb_ori_2014_pregled_stavova_politickih_stranaka.pdf)


## Savjetovanište VIRIDIS

Centar za održivi razvoj u kontinuitetu prikuplja informacije relevantne za razvoj i širenje održivog razvoja u cijeloj BiH, te iste različitim putevima prosljeđuje građanima, nevladinim organizacijama, lokalnim vlastima i svim zainteresovanima.

Nešto manje od dvije godine u prostorijama Centra za održivi razvoj uspješno radi savjetovanište VIRIDIS gdje građani besplatno mogu dobiti savjete iz oblasti energetske efikasnosti, održivih izvora energije, ekologije, eko biznisa i sl. Građanima su dostupne informacije i savjeti o mogućim uštedama energije, izboru ili zamjeni energenta, korištenju obnovljivih izvora energije, započinjanju sopstvenog biznisa u zelenom sektoru i dr.

Aktivnosti Savjetovaništa VIRIDIS tokom 2015. godine su sljedeće:

- ✓ Savjetovanište za građane po pitanju energetske efikasnosti i uštedama energije, uporabi obnovljivih izvora energije, te pokretanja zelenog biznisa
- ✓ Ekološke edukacije građanasvih uzrasta kroz seminare, tribine, organizovanjem ekoloških prirode i promocijom volonterizma.
- ✓ Intenzivna edukacija mladih u osnovnim i srednjim školama po pitanju ekološki prihvatljivih aktivnosti, manifestacija, kampanja za zaštitu
- ✓ Redovno organizovanje različitih akcija čišćenja i sabiranja sekundarnih sirovina





# BUDŽET | GRAĐANI ZA DISTRIKT

## Jačanje odgovornosti u budžetskom procesu

**P**rojekat "Građani za Distrikt" ima za cilje aktivno učešće građana u procesu pripreme budžeta Brčko Distrikta za 2015 godine kao i u monitoringu efikasnog korištenja javnih sredstava.

U sklopu svojih aktivnosti projekat "Građani za Distrikt" je sproveo treninge, ulične akcije, medijske kampanje, anketiranje i druge aktivnosti u cilju informisanja i edukacije građana Brčko Distrikta o proceduri projektovanja i izrade budžeta, a i u tu svrhu formirana je posebna web stranica [www.gradjanizadistrikt.net](http://www.gradjanizadistrikt.net).

GRADJANIZADISTRIKT.NET je web stranica u vidu portala za objavljivanje i razmjenu informacija u vezi budžeta Brčko distrikta BiH, kao i monitoring efikasnog korištenja javnih sredstava.

Web stranica nudi osnovne smjernice, korake i procese o donošenju budžeta u Brčko Distriktu, kao i pregled stavova anketiranih građana i organizacija civilnog društva..

Kroz široku kampanju koja je privukla veliku medijsku pažnju, javnost je potaknuta da iznese svoje mišljenje i aktivno učestvuje u procesu projektovanja i izrade Budžeta Brčko Distrikta.

U sklopu projekta objavili smo dvije publikacije: „Budžet za građane“ i „Budžetski deficit“.

## Projekat „Osposobljavanje za poslovne prilike 21. vijeka“ - ECEBO

Projektom ECEBO Centar za održivi razvoj je započeo konkretne aktivnosti na polju Osposobljavanje za vještine 21. vijeka koji nam je , pored zelenih pitanja, druga tema u našem fokusu, a u skladu sa našim strateškim opredjeljenjem.

Projektom ECEBO smo započeli prvi u BiH sa edukacijom na polju SCRATCH programiranja za djecu. U toku 2015 godine je kroz naš program obuke prošlo više od 100 djece, sa naročitim fokusom na djevojčice u cilju jačanja kapaciteta budućih generacija djevojaka i žena u BiH.

Za potrebe Projekta ECEBO smo pripremili i izdalu publikaciju „SCRATCH priručnik“ koji predstavlja prvi takav priručnik u BiH.

Zahvaljujući našem djelovanju na ovom polju Bosna i Hercegovina se konačno pridružila velikom broju zemalja u kojem se vrši obuka u SCRATCH-u, programskoj alatki koju je osmislio čuveni američki univerzitet MIT.